

Problèmas que fan intervenir la division

Problèma 1

Un paquet conten 24 còcas. Cada enfant manja 4 còcas e ne demòran pas pus. Quantes d'enfants se son partejats lo paquet ?

Problèma 2

Un florista vòl aprestar de ramèls de 12 flors. A 100 flors.

- Quantes de ramèls pòt aprestar ?
- Quantes de flors li van demorar ?

Problèma 3

Ai 75 uòus a rengar dins de brústias de 8.

- Quantes de brústias seràn plenas ?
- Quantes d'uòus contendrà la brústia incomplèta ?

Problèma 4

Dins una benda de papièr de 165 cm de long, Marina retalha d'etiquetas de 8 cm pels quasèrns de sos camaradas.

Quantes d'enfants recebràn una etiqueta ?

Problèma 5

Dins la seccion jardinariá d'un supermercat, los escaucèls de flors se vendon per brústia de 15. Los vendeires recebèron 200 escaucèls.

Quantes de brústias complètas poiràn aprestar ?

Problèma 6

Sèm sièis piratas. Partejèm nòstras 90 pèças d'aur. Prenètz-ne 10 cadun. Me contentarai de las que demòran.

- Lo paratge es equitable ?
- Quantes de pèças d'aur cada pirata deuriá recebre ?

Problèmas que fan intervenir la division

Problèma 7

Per una corsa de kart, los pilòts devon percórrer 72 km en fasant 24 torns. Quina longor fa un torn de circuit ?

Problèma 8

Amb un carton que conten 120 iaortes, lo formagièr aprèsta 15 lòts.

- Quantes de iaortes conten cada lòt ?
- Una familha consomís en mejana 24 iaortes dins la setmana. Quantes de lòts deu crompar ?

Problèma 9

Malika faguèt 148 uòus de chocolat e Sofia los bota dins de sacons de 5.

Quantes de sacons obten ?

Problèma 10

Es la fèsta de l'espòrt. 96 enfants se son inscriches al tornèu de basket-ball.

- Quantes de còlas de 7 jogaires los organizators pòdon formar ?
- Los enfants que demòran seràn arbitres. Quin serà alavetz lo nombre d'arbitres ?

Problèma 11

Eric, lo mercant de pan, a cuèch 157 pichons pans. Demanda a Sofia de los rengar per 6 dins de banastas.

Quantes de banastas plenas obten ?

Problèma 12

24 piratas se partejan 7618 pèças d'aur. Las pèças que demoraràn serviràn a reparar lo batèu.

- Quantes de pèças d'aur recebrà cadun ?
- Quantes de pèças demoraràn per la reparacion del batèu ?